

ΑΔΑΛΣΚΙΠΟΥΛΑΓ
ΚΟΠΑΥΟΓΣ
2019-2040



Unnið af Umhverfissviði Kópavogsbæjar

Frekari upplýsingar um starfsfólk, samstarfsaðila og ráðgjafa er að finna í 8. kafla, bls. 190

Prófarkalestur: Skafti Þ. Halldórsson

Útlit og umbrot: Helgi Hilmarsson

Prentun: Litlaprent

Útgefandi: Kópavogsbær

Ljósmyndir:

Anton Brink (A.B.), Birgitta Ósk Örvardóttir (B.Ó.Ö.), Björg Steinunn Gunnarsdóttir (B.S.G.), Friðrik Baldursson (F.B.), Hreinn Magnússon (H.M.), Kristjana Hildur Kristjánsdóttir (K.H.K.), ONNO ehf., Sigríður Björg Tómasdóttir (S.B.T.), Sigrún María Kristinsdóttir (S.M.K.), Vilhelm Gunnarsson (V.G.) og Myndir Kópavogs.

ISBN 978-9935-25-150-3 (prentuð útgáfa)

ISBN 978-9935-25-151-0 (rafræn útgáfa)


© Kópavogsbær 2022

Allt efni í þessu riti er verndað af ákvæðum höfundalaga en heimilt er að vitna til Aðalskipulagsins og birta tilvísanir í efni þess án sérstaks leyfis útgefanda ef heimildar er getið. Dreifing og notkun á ljósmyndum úr skýrslunni er þó háð sérstöku samþykki útgefanda og ljósmyndara sé slík notkun ekki beintengd tilvísunum í efni Aðalskipulagsins.


Aðalskipulag Kópavogs 2019-2040 var samþykkt í skipulagsráði Kópavogs þann 5. júlí 2021.


Auður D. Kristinsdóttir, skipulagsfulltrúi.

Aðalskipulag Kópavogs 2019-2040, sem auglýst var samkvæmt 31. gr. skipulagslaga nr. 123/2010 var samþykkt í bæjarstjórn Kópavogs þann 28. september 2021 og afgreitt til Skipulagsstofnunar samkvæmt 2. mgr. skipulagslaga nr. 123/2010.


Ármann Kr. Ólafsson, bæjarstjóri.

Aðalskipulag þetta var staðfest af Skipulagsstofnun þann 28.12.2021 samkvæmt 3. mgr. 32. gr. skipulagslaga nr. 123/2010.


Ásdís Hjörð Thordís



UMHVERFISSVIÐ KÓPAVOGS



AÐALSKIPULAG KÓPAVOGS
2019-2040

Ljósni: F.B.

6

SAMFÉLAG

6	SAMFÉLAG	134
6.1	Meginmarkmið	134
6.2	Íþróttamál, íþróttasvæði	135
6.3	Samfélagsþjónusta	138
6.3.1	Frítímaþjónusta	138
6.3.2	Leikskólar	139
6.3.3	Gæsluvellir	141
6.3.4	Grunnskólar	141
6.3.5	Framhaldsskólar	143
6.3.6	Aðrir skólar, kirkjur og trúfélög	144
6.3.7	Menningarmál	145
6.3.8	Félagsþjónusta	145
6.3.9	Málefni aldraðra	146
6.3.10	Málefni fatlaðs fólks	147
6.3.11	Heilbrigðismál, lýðheilsa	147
6.4	Stjórnsýsla	148
6.5	Umhverfisáhrif stefnu um samfélag	149

6 SAMFÉLAG

6.1 Meginmarkmið


Unnið verði markvisst að því að byggja upp samfélag sem einkennist af gæðum byggðar, góðum tengingum við útivistarsvæði og þjónustu við íbúa sem er byggð upp með hagsmuni allra að leiðarljósi, bæði núverandi og komandi kynslóða. Að

íbúar bæjarins hafi greiðan aðgang að þjónustu í bænum og bæjarbúar geti notið sín við íþróttaiðkun og útivist í sínu hverfi.

Lögð er áhersla á lýðræðisþátttöku, almenna lýðheilsu, geðrækt og gott aðgengi fyrir alla.

Stefna Kópavogsbæjar og Heimsmarkmið Sameinuðu þjóðanna um sjálfbærni eru samofin stefnu í aðalskipulagi þessu í öllum köflum greinargerðarinnar - 2. Byggð, 3. Atvinnulíf, 4. Umhverfi, 5. Grunnkerfi, 6. Samfélag og 7. Rammahluta aðalskipulags.

Unnin var mikilvægisgreining út frá áherslum aðalskipulagsins, þ.e. hvernig aðalskipulagið styður við sjálfbærni og stuðlar að markmiðum Heimsmarkmiðanna.



Mynd 6-1. Samfélag. Landnotkun.



Mynd 6-2. Himnastiginn í Kópavogsdal.

Ljósmynd: V.G.

6.2 Íþróttamál, íþróttasvæði

Skilgreining landnotkunar: **Svæði fyrir landfreka íþróttastöðu aðra en þá sem þjónar tilteknu hverfi, svo sem skeiðvelli og hesthúsabyggð, akstursíþróttasvæði, golfvelli og stærri íþróttamiðstöðvar. (gr. 6.2.j í skipulagsreglugerð, Íþróttasvæði (ÍÞ)).**

Markmið

- Allir íbúar hafi aðgang að góðum útivistarsvæðum í göngufæri frá heimilum sínum í samræmi við heimsmarkmið 11.7 um örugg og aðgengileg græn svæði.
- Skapaðar verði aðstæður fyrir alla aldurshópa til heilsuræktar, íþróttar og tómstundarstarfs og útivistar.
- Börnum og unglingum verði gert kleift að stunda íþróttar- og tómstundastarf við sitt hæfi óháð búsetu.

Leiðir

- Boðið verði upp á fjölbreytta aðstöðu til útivistar og íþróttaiðkunar í tengslum við íbúðarhverfi bæjarins.
- Komið verði á almennum og traustum samgöngum á milli heimila og helstu íþróttar- og tómstundamannvirkja til að gera börnum og unglingum kleift að stunda íþróttar- og tómstundastarf við hæfi óháð búsetu.
- Yngstu börnunum verði gert kleift að stunda íþróttar- og tómstundastarf í sínu hverfi.

Í Kópavogi er aðstaða fyrir flestar íþróttagreinar hvort sem þær eru stundaðar innan- eða utanhús. Þar er hægt að stunda flestar inni íþróttagreinar allt árið. Í bænum eru tvær sundlaugar, golfvöllur, siglingarklúbbur, níu íþróttahús, við Kópavogsskóla, Kársnesskóla, Snælandsskóla og Lindaskóla, í Digranesi, Fagralundi, Smáranum, Versölum og Kórnum. Jafnframt eru tvö fjölnota knatt- og sýningarhús, Fífan í Smáranum og Kórinn í Vatnsendahverfi. Gert er ráð fyrir íþróttahúsi við Vatnsendaskóla. Einnig eru fleiri íþróttahús og líkamsræktarstöðvar sem reknar eru af einkaaðilum. Hesthúsasvæði Spretts er á Kjávöllum. Þar eru reiðskemman og skeiðvellir.



Mynd 6-3. Golfvöllur GKG í Leirdal.

Ljós. F.B.

Tafla 6-1. Yfirlit yfir íþróttasvæði.

Nr	Heiti	Lýsing
Kársnes		
(ÍÞ-1) /H-2	Fossvogshöfn/ Ýmishöfn	Við Naustavör 20 er aðstaða Siglingafélagsins Ýmis sem byggð var 2009. Á svæðinu er félagsaðstaða, bátaskýli, bryggja og ölduvari. Athuga þarf að Ýmishöfn verður fyrir áhrifum af nýrri brú yfir Fossvog en þar undir munu bátar með segl og háreistir bátar ekki geta farið undir. Svæðið er skilgreint sem hafnarsvæði fyrir siglingaíþróttir. Stærð: 1,0 ha.
ÍÞ-2	Sundlaug Kópavogs	Sundlaug Kópavogs er staðsett við Borgarholtsbraut en þar er 50x25 m útilaug ásamt 25x15 m innilaug, heitum pottum, rennibraut, eimbaði og líkamsræktarstöð. Stærð: 1,1 ha.
Digranes		
ÍÞ-3	Fossvogsdalur	Í Fossvogsdal er Fagrilundur, íþróttasvæði HK. Þar er gervigrasvöllur, þrjú æfingavellir fyrir knattspyrnu, strandboltavellir og íþróttahús. Íþróttahús Snælandsskóla er einnig í Fossvogsdal. Stærð svæðis: 5,0 ha. Samkomulag er á milli Kópavogs og Reykjavíkur um að Kópavogur nýti land Reykjavíkur fyrir starfsemi HK og að Reykjavíkurborg nýti land í Kópavogi fyrir Víkingssvæðið. Gert er ráð fyrir nýrri sundlaug í dalnum í samvinnu við Reykjavíkurborg – mögulega í nálægð við íþróttasvæði Víkings eða íþróttasvæði HK. Staðsetning er ekki ákveðin. Sjá einnig texta í kafla 4.1.5 Opin svæði, töflu 4-3, um OP-2.02. Stærð samtals (tvö svæði): 7 ha.
ÍÞ-4	Kópavogsdalur	Kópavogsvöllur er í Kópavogsdal ásamt íþróttasvæði Breiðabliks. Þar eru íþróttahúsið Smárinn, fjórir æfingavellir fyrir knattspyrnu og kastvellir. Í dalnum er einnig fjölnotahúsið Fífan, tennishöll og tennisvellir, ásamt Smárahvammsvelli. Afmörkun svæðis breytist austast, norðan við Dalsmára, svæðið er stækkað um rúman ha til norðurs (austan við Dalsmára 9-13 / Tennishöll. Á móti kemur að svæðið er minnkað lítillega við Dalsmára vegna þess að svæði fyrir samfélagsþjónustu er stækkað (lítillega) til vesturs (inn á íþróttasvæðið). Breiðablik er stærsta íþróttafélag á landinu með yfir 2.000 iðkendur í 11 deildum. Félagið var stofnað 12. febrúar 1950. Vöxtur félagsins hefur verið mikill sérstaklega á liðnum áratug en iðkendafjöldi hefur nær fjórfaldast frá 2010. Allt bendir til þess að þessi þróun haldi áfram. Þar er tvennt sem vegur þungt, aukin íþróttaiðkun þá bæði ungra iðkenda en ekki síður eldri iðkenda sem og fjölgun íbúa á áhrifasvæði félagsins. Hjarta Breiðbliks og meginstarfsemi er í Smáranum og þrátt fyrir stefnu félagsins að sinna vel íbúum alls bæjarfélagsins, þá er nauðsynlegt að félagið hafi svigrúm til að vaxa til framtíðar í Kópavogsdal og nágrenni. Fleiri iðkendur kalla á stærra og endurskoðað athafnasvæði. Aðalstjórn Breiðabliks telur mikilvægt að félagið geti áfram vaxið og dafnað. Breiðablik hefur gert þarfagreiningar innan deilda félagsins um þróun starfs og áætlanir til næstu framtíðar. Það er ljóst að þörf verður á að víkka út starfsemi félagsins bæði hvað varðar mannvirki og aðstöðu til íþróttaiðkunar og tengdrar starfsemi. Mikilvægt er að gera ráð fyrir svigrúmi félagsins til stækkunar. Gert er ráð fyrir að unnið verði deiliskipulag af svæðinu, ÍÞ-4, á grundvelli þarfagreiningar félagsins þegar hún liggur fyrir.



Mynd 6-4. Íþróttasvæði í Kópavogsdal.

Ljósmynd. ONNO ehf.

		Einnig eru uppi hugmyndir um íþrótt- og lýðheilsugarð á opna svæðinu, OP-2.21, í Kópavogsdal. Sú starfsemi gæti hugsanlega tengst íþróttastarfi og menningarstarfsemi bæjarins. Skilgreina þarf umrædda starfsemi í deiliskipulagi. Sjá einnig umfjöllun um OP-2.21 í kafla 4.1.5 Opin svæði. Stærð: Um 17 ha.
Fífuhammur		
Íþ-5	Litli-Leirdalur / Vetrarmýri	Golfvöllur Golfklúbbs Kópavogs og Garðabæjar er í Vetrarmýri í landi Vífilstaða í Garðabæ og í Litla-Leirdal milli Salahverfis og Rjúpnahæðar í Kópavogi. Völlurinn er 27 holur. GKG sér um rekstur og uppbyggingu á vallarsvæðinu með aðstoð beggja sveitarfélaganna. Stærð svæðis er um 22 ha í Kópavogi og 46 ha í Garðabæ.
Íþ-6	Versalir	Í Íþróttamiðstöðinni Versölum er önnur af tveimur almenningssundlaugum bæjarins með 25x15 m útilaug, 16,7x10 m innilaug, auk íþróttahúss fyrir fimleika, líkamsræktarstöð og æfingarsvæði fyrir knattspyrnu. Stærð: 3,7 ha.
Vatnsendi		
Íþ-7	Kjóavellir	Nýtt íþróttasvæði tengt hestaiþróttum á Heimsenda og Kjóavöllum. Svæðið var áður skilgreint sem verslun og þjónusta og var minna. Stærð svæðis um 3-4 ha. Afmarka þarf svæðið nánar og vinna deiliskipulag. Stærð: 6 ha.
Íþ-8	Kjóavellir	Hestamannafélagið Sprettur hefur aðsetur á Kjóavöllum og Heimsenda. Svæðið er í kvasinni á milli Vatnsendahlíðar, Rjúpnahæðar og Sandahlíðar. Auk hesthúsa og aðstöðu fyrir hestamenn er á svæðinu keppnishöll, úttikeppnisvellir, skeiðbrautir, áhorfendapallar og dómarasvæði. Stærð: 20 ha.
Íþ-9	Kórinn	Íþróttamiðstöðin Kórinn. Þar er yfirbyggður knattspyrnuvöllur með áhorfendastúku og aðstöðu fyrir frjálsar íþróttir. Íþróttamiðstöðin er með tveimur handboltavöllum í fullri stærð sem og þjónusturými. Undir áhorfendapöllum eru salir fyrir aðrar innanhúsiþróttir, s.s. golf og dans. Ófrágengin er sundlaug og líkamsræktarstöð í aðstöðunni. Stærð: 6,3 ha.
Upland		
Íþ-10	Bláfjöll	Skíðasvæði höfuðborgarsvæðisins er í Bláfjöllum og er rekið sameiginlega af sveitarfélögunum sem aðild eiga að Bláfjallafólkvangi. Þar er Skíðamiðstöð Kópavogs - Breiðablik. Skíðasvæði höfuðborgarsvæðisins er með aðstöðu fyrir gönguskíða-, svig- og snjóþetta-íþróttir. Stærð: 363 ha. Skíðasvæðið er á vatnsverndarsvæði. Öll starfsemi á vatnsverndarsvæðum á að vera á forsendum vatnsverndar. Sjá einnig ákvæði í kafla 1.8.3 Þjóðlendur.



Mynd 6-5. Sumarstarf í félagsmiðstöðinni Fönix.

Ljósmynd. B.S.G.

6.3 Samfélagsþjónusta

Skilgreining landnotkunar: **Svæði fyrir stofnanir og fyrirtæki sem óháð eignaraðild veita almenna þjónustu við samfélagið, svo sem menntastofnanir, heilbrigðisstofnanir, menningarstofnanir, félagslegar stofnanir, trúarstofnanir og aðrar þjónustustofnanir ríkis, sveitarfélaga eða annarra aðila. (gr. 6.2.d í Skipulagsreglugerð Samfélagsþjónusta (S)).**

6.3.1 Frítímaþjónusta

Markmið

- Félagsmiðstöðvar, æskulýðs- og tómstundastarf, verði í hverju hverfi í Kópavogsbæ í samræmi við heimsmarkmið 10.2 um aukinn jöfnuð við þátttöku í félagslífi, efnahagsmálum og stjórnmálum.

Leiðir

- Aldraðir hafi næg tækifæri til að stunda félagsstarf og sinna áhugamálum sínum í samræmi við heimsmarkmið 10.2 um aukinn jöfnuð við þátttöku í félagslífi, efnahagsmálum og stjórnmálum.
- Við uppbyggingu nýrra hverfa verði gert ráð fyrir félagsmiðstöð í tengslum við grunnskóla.
- Leitast verði við að varðveita menningararf milli kynslóða og koma á virku samstarfi milli þeirra. Stefna að því að nýta skóla sem miðstöð fyrir slíkt samstarf.
- Leitast verði við að auka tilboð/aðgengi enn frekar að frístundum í sumarfrí grunnskóla.

FÉLAGSMIÐSTÖÐVAR BARNNA OG UNGLINGA

Félagsmiðstöðvar eru tómstundavettvangur fyrir unglunga 13 til 16 ára en að auki er í vaxandi mæli boðið upp á tómstundastarf fyrir 10 til 12 ára börn. Félagsmiðstöðvarnar tilheyra Forvarna- og frístundadeild bæjarins en starfið fer fram innan húsnæðis grunnskóla bæjarins. Í Kópavogi eru starfræktar níu félagsmiðstöðvar. Þær eru Dimma í Vatnsendaskóla, Ekkó í Kársnesskóla, Fönix í Salaskóla, Igló í Snælandsskóla, Jemen í Lindaskóla, Kjarninn í Kópavogsskóla, Kúlan í Hörðuvallaskóla, Pegasus í Álfhólsskóla og Þeba í Smáraskóla.

FÉLAGSMIÐSTÖÐVAR eldri borgara

Kópavogsbær rekur þrjár félagsmiðstöðvar fyrir eldri borgara, Gjábakka, Gullsmára og Boðann. Þær eru opnar fyrir fólk á öllum aldri enda þótt starfsemin þar sé sérstaklega ætluð eftirlaunafólki búsettu í Kópavogi. Í boði er fjölbreytt félags- og tómstundastarf og lögð er áhersla á að starfsemin byggji á þátttöku fólksins.

6.3.2 Leikskólar

Markmið

- Tryggja skal jafnt aðgengi allra að leikskóla í samræmi við heimsmarkmið 4.2 um tækifæri til leikskólamenntunar.
- Vinna markvisst að metnaðarfullu og framsæknu leikskólastarfi þar sem velferð barna og starfsfólks er í fyrirrúmi.

Leiðir

- Í skipulagi er tekið mið af staðsetningu leikskóla þar sem öryggi barna er haft að leiðarljósi, tengsl við íbúðarbyggð, útivistarsvæði og grunnskóla í samræmi við heimsmarkmið 4.2 um tækifæri til leikskólamenntunar.
- Miða skal að jafnaði við að tveir leikskólar verði í hverju skólahverfi.
- Sköpuð verði aðstaða til umhverfisfræðslu í leikskólum meðal annars með útikennslu.
- Hönnun húsnæðis taki mið af þörfum starfseminnar hverju sinni.

Kópavogsbær rekur 19 leikskóla og auk þess eru 2 þjónustureknir og 2 einkareknir leikskólar í bæjarfélaginu.

Alls voru um 2.287 1-5 ára börn í Kópavogi í byrjun árs 2019.

Í hverfum fyrir um 3000 íbúa er almennt gert ráð fyrir tveimur leikskólum. Meta þarf þörf fyrir nýja leikskóla á nýrri svæðum, nýbyggingarsvæðum og þéttlingarsvæðum eftir því sem þau byggjast upp en þegar er búið að gera ráð fyrir leikskólum í Vatnsendahlíð, Faxahvarfi og við Gulapíng. Einnig er gert ráð fyrir leikskóla í bryggjuhverfinu/Naustavör, á lóð Kársnesskóla við Skólagarði/ Holtagerði, í Lundi, Kópavogsdal og stækkun á leikskólanum Núpi. Jafnframt er gert ráð fyrir leikskólum á nýju íbúðarsvæði á Vatnsendahæð (Vatnsendahvarfi), í Glaðheimum og Vatnsendahlíð. Þá verða skoðaðar, ef þörf þykir, ýmsar hugmyndir um fjölgun leikskólaryma að öðru leyti en með nýbyggingum, t.d. að nýta húsnæði sem til er eða bæta við lausum stofum.

Tafla 6-2. Yfirlit yfir leikskóla.

Nr	Heiti	Lýsing
Kársnes		
S-1	Bryggjuhverfi	Gert er ráð fyrir leikskóla í bryggjuhverfinu. Stærð 0,2 ha.
S-2	Marbakki	Leikskólinn Marbakki tók til starfa 1986. Hann er fimm deilda leikskóli. Byggt var við skólann árið 2009. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,65 ha.
S-3	Kópasteinn	Leikskólinn Kópasteinn var opnaður formlega 1964 og er hann fyrsti leikskólinn í Kópavogsbæ. Kópasteinn er fimm deilda leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,2 ha.
S-4	Undraland við Hábraut	Á reitnum er einkarekinn leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,4 ha.
S-5 og S-6	Urðarhóll	Urðarhóll var opnaður árið 2000. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,3 ha.
Digranes		
S-6	Urðarhóll/Skóla-tröð	Á reitnum eru tvær deildir leikskólans Urðarhóls. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð 0,4 og 0,15 ha.
S-7	Lundur	Óbyggt svæði ætlað fyrir leikskóla. Stærð: 0,24 ha.
S-8	Kópahvoll	Leikskólinn Kópahvoll er við Bjarnhólastíg og stendur á hæð rétt við Víghólinn, sem er friðað svæði. Leikskólinn Kópahvoll var opnaður 11.maí 1970 og var hann fyrsti leikskólinn sem byggður er sem slíkur hér í Kópavogi. Byggt var ný álma við leikskólann 1993. Síðan var safnaðarheimili Digranessóknar breytt í leikskóladeild 1995. Í dag eru fjórar deildir við skólann. Stærð 0,43 ha.
S-9	Furugrund	Furugrund hóf starfsemi sína 1978. Furugrund er fjögurra deilda leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,36 ha.
S-10	Grænatún	Leikskólinn Grænatún tók til starfa 1984. Grænatún er þriggja deilda leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem þjónustustofnunar, eru heimilar. Stærð: 0,3 ha.
S-11	Fagrabrekka	Leikskólinn Fagrabrekka var opnaður 1976. Leikskólinn er fjögurra deilda. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,22 ha.
S-12	Álfaheiði	Leikskólinn Álfaheiði tók til starfa 1990 og er fjögurra deilda leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,92 ha.

S-13	Álfatún	Leikskólinn Álfatún tók til starfa í nóvember 2001 og er fimm deilda leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,46 ha.
S-14	Efstihjalli	Leikskólinn Efstihjalli tók til starfa 1982. Haustið 2002 var tveimur deildum bætt við leikskólann þannig að í dag er hann fimm deilda. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 1,16 ha.

Smárar

S-15	Lækur	Á reitnum er leikskólinn Lækur við Dalsmára. Breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 1,33 ha.
S-16	Arnarsmári	Leikskólinn Arnarsmári tók til starfa í janúar 1998. Arnarsmári er fjögurra deilda skóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,6 ha.

Fífuhvammur

S-17	Glaðheimar	Gert er ráð fyrir leikskóla í Glaðheimahverfinu. Stærð: 0,54 ha.
S-18	Núpur	Leikskólinn Núpur tók til starfa í janúar 2000. Bætt var við lausri stofu við skólann og er hann nú fimm deilda. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,5 ha.
S-19	Dalur	Leikskólinn Dalur tók til starfa 1998 og er fjögurra deilda leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,38 ha.
S-21	Fífusalir	Leikskólinn Fífusalir er sex deilda leikskóli sem tók til starfa síðla árs 2001. Á reitnum er leikskóli en breytingar á núverandi húsnæði og nýbyggingar eru heimilar, sem falla að nýtingu svæðisins sem samfélagsþjónustu. Stærð: 0,59 ha.
S-22	Rjúpnasalir	Á reitnum er sex deilda leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,53 ha.

Vatnsendi

S-23	Austurkór	Leikskólinn Austurkór. Stærð: 0,58 ha.
S-24	Baugur við Baugakór	Leikskólinn Baugur opnaði haustið 2007 og er sex deilda leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,84 ha.
S-25	Kór við Baugakór	Leikskólinn Kór er sex deilda þjónusturekinn leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,70 ha.
S-26	Sólhvörf við Álfkonuhvarf	Leikskólinn Sólhvörf er sex deilda leikskóli, tekinn í notkun árið 2005. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,59 ha.
S-27	Vatnsendahvarf / Vatnsendahæð	Gert er ráð fyrir leikskóla í Vatnsendahvarfi. Á svæðinu er einnig gert ráð fyrir möguleika á að hafa skóla, kirkju og/eða aðra starfsemi, S-67. Ákvörðun verður tekin við gerð deiliskipulags. Stærð: 0,41 ha.
S-28	Aðalþing	Leikskólinn Aðalþing er sex deilda þjónusturekinn leikskóli. Á reitnum er leikskóli en breytingar á núverandi húsnæði og nýbyggingar, sem falla að nýtingu svæðisins sem samfélagsþjónustu, eru heimilar. Stærð: 0,41 ha.
S-29	Gulaþing	Svæði fyrir leikskóla. Stærð: 0,57 ha.
S-30	Vatnsendahlið	Óbyggt svæði fyrir leikskóla. Stærð: 1,22 ha.

Uppland

S-31	Ylur	Leikskólinn Ylur er einkarekinn leikskóli staðsettur í Lækjarbotnum. Á reitnum er leikskóli og grunnskóli. Stærð: 20,8 ha.
------	------	--

6.3.3 Gæsluvellir

Í Kópavogi eru þrjú gæsluvellir: Holtsvöllur/Stelluróló við Borgarholtsbraut, Lækjavöllur við Dalsmára og Hvammsvöllur við Hvammsveg. Gæsluvellir eru fyrir börn frá 20 mánaða aldri til 6 ára. Gæsluvellir eru aðeins starfræktir á sumrin.

6.3.4 Grunnskólar

Markmið

- Skólar í Kópavogi vinni áfram markvisst að metnaðarfullu og framsæknu skólastarfi með velferð barna og starfsfólks í fyrirrúmi.
- Skólahúsnæði og skólalóðir veiti góða aðstöðu til náms og starfs.
- Tryggja skal jafnt aðgengi allra að grunnskóla í samræmi við heimsmarkmið 4.1 um grunnskólamenntun á jafnréttisgrundvelli.

Leiðir

- Grunnskólar skulu vera heildstæðir, byggðir samhliða íbúðarhverfunum í bænum og með góðri tengingu við íbúðarbyggð og útivistarsvæði.
- Kópavogsbær sjái til þess að skólahúsnæði, lóð og aðbúnaður allur sé í samræmi við gildandi reglugerðir og viðmið. Jafnframt verði hugað að aðstöðu fyrir útikennslu.
- Uppbygging skóla í nýjum íbúðarhverfum miðist við að gönguleiðir að þeim verði helst ekki lengri en um 1000 m.
- Í skipulagi er tekið mið af staðsetningu leikskóla (í nálægð við grunnskóla) þar sem haft er að leiðarljósi öryggi barna, tengsl við íbúðarbyggð, útivistarsvæði og leikskóla/grunnskóla. Við skipulag hverfa er miðað við að í 3000 manna hverfi verði byggður einn grunnskóli.
- Leitast verði við að bjóða upp á verknám í grunnskólum.

Kópavogsbær rekur níu grunnskóla og skammtímaúrræðið Tröð. Auk þess eru tveir einkareknir skólar í bæjarfélaginu, Arnarskóli við Kópavogsbraut og Waldorfskólinn í Lækjarbotnum (sjá umfjöllun um S-31 í kafla 6.3.2 Leikskólar, töflu 6-2. Nemendum í bænum fjölgar milli ára og er útlit fyrir frekari fjölgun á næstu árum. Framan af var fjölgun nemenda helst í nýjustu skólum bæjarins, Hörðuvalla-, Vatnsenda-, og Salaskóla og nemendum fækkaði í eldri skólum. Nemendum hefur fjölgað aftur í eldri skólum.

Skólaárið 2018-2019 voru um 5.050 nemendur í grunnskólum bæjarins og haustið 2019 voru þeir 5.271. Grunnskólarnir eru Kópavogsskóli, Kársnesskóli, Snælandsskóli, Salaskóli, Smáraskóli, Lindaskóli, Hörðuvallaskóli, Vatnsendaskóli og Álfrólsskóli og skammtímaúrræðið Tröð. Samkvæmt gögnum Menntasviðs Kópavogs og Þjóðskrár voru íbúar Kópavogs í byrjun árs 2019 um 37.840 - þar af voru um 2.287 1-5 ára börn og 5.227 6-15 ára börn. Börn voru 15,3 % af mannfjölda árið 2000, þeim hafði fækkað í um 14% árið 2010 og þau voru enn um 14% af mannfjölda árið 2019.

Frá árinu 2000 hafa fimm nýir grunnskólar tekið til starfa í bænum. Hörðuvallaskóli tók til starfa haustið 2006, Vatnsendaskóli tók til starfa um 2005. Í skipulagi Vatnsendahlíðar er gert ráð fyrir grunnskóla. Við skipulag hverfa er það markmið haft að leiðarljósi að í 3000 manna hverfi verði byggður einn grunnskóli og sömu markmið eru höfð að leiðarljósi við staðsetningu grunnskóla eins og leikskóla. Unnið er að nýbyggingu Kársnesskóla við Skólagerði/Holtagerði. Gert er ráð fyrir möguleika á að byggja við Kópavogsskóla, Álfrólsskóla, Smáraskóla og Lindaskóla. Gert er ráð fyrir nýjum skóla síðar í óbyggðu hverfi í Vatnsendahlíð. Jafnframt er verið að skoða möguleika á að byggja við fleiri skóla.



Mynd 6-6. Salaskóli.

Ljós. F.B.



Mynd 6-7. Smáraskóli.

Ljós. F.B.



Mynd 6-8. Kópavogsskóli.

Ljós. F.B.

Tafla 6-3. Yfirlit yfir grunnskóla.

Nr	Heiti svæðis	Lýsing
Kársnes		
S-40	Kársnesskóli við Skólagerði	Ný skólabygging, íþróttahús. Breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 1,6 ha.
S-41	Kársnesskóli við Vallargerði	Kársnesskóli. Breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 1,6 ha.
Digranes		
S-42	Kópavogsskóli	Á reitnum er Kópavogsskóli. Breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 2,0 ha.
S-43	Snælandsskóli	Á reitnum eru núverandi skólabyggingar Snælandsskóla og íþróttahús en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 2,3 ha.
S-44	Álfhólsskóli/ Digranes	Grunnskóli fyrir 1-4 bekk. Á reitnum eru núverandi skólabyggingar og íþróttahús en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 3,2 ha
S-45	Álfhólsskóli/ Hjalli	Grunnskóli fyrir 5-10 bekk. Á reitnum eru núverandi skólabyggingar en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 1,8 ha.
Smárar		
S-46	Smáraskóli	Á reitnum eru núverandi skólabyggingar Smáraskóla og íþróttahús en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 2,7 ha.
Fífuhvammur		
S-47	Lindaskóli	Á reitnum eru núverandi skólabyggingar Lindaskóla en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 2,3 ha.
S-48	Salaskóli	Á reitnum eru núverandi skólabyggingar Salaskóla en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 2,1 ha.

Vatnsendi		
S-49	Hörðuvallaskóli	Á reitnum eru núverandi skólabyggingar Hörðuvallaskóla en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 1,5 ha.
S-50	Vatnsendaskóli	Á reitnum eru núverandi skólabyggingar Vatnsendaskóla en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 2,9 ha.
S-51	Vatnsendahlíð	Svæði fyrir skóla. Stærð: 1,1 ha.

Uppland

Waldorfskóli. Leikskóli og grunnskóli. Sjá umfjöllun um S-31 í töflu 6-2. Yfirlit yfir leikskóla í kafla 6.3.2 Leikskólar.



Mynd 6-9. Menntaskólinn í Kópavogi.

Ljós. K.H.K.

6.3.5 Framhaldsskólar

Markmið

- Öllum grunnskólanemendum sem þess óska sé gefinn kostur á að stunda framhaldsnám í Kópavogi í samræmi við heimsmarkmið 4.3 um aðgengi allra að framhaldsnámi.
- Unnið verði að stofnun nýs framhaldsskóla í Kópavogi.

Leiðir

- Grunnskólanemendur séu vel upplýstir um námsframboð og möguleika að loknu grunnskólanámi og þeir hvattir til frekari

menntunar í samræmi við heimsmarkmið 4.3 um aðgengi allra að framhaldsnámi.

- Skoðað verði hvort Menntaskólinn í Kópavogi hafi áhuga á að opna útibú skólans í efri byggðum og hvort möguleiki sé á samstarfi sveitarfélaga á höfuðborgarsvæðinu um framhaldsskóla á þessu svæði með sérstakar áherslur.

Einn framhaldsskóli er í Kópavogi, Menntaskólinn í Kópavogi við Digranesveg. Alls stunduðu 1000 nemendur nám í skólanum árið 2018 víða að af landinu. Í MK eru auk bóknámssviðs, ferðamála-, hótél- og veitingasvið.

Tafla 6-4. Yfirlit yfir framhaldsskóla.

Nr.	Heiti svæðis	Lýsing
S-52	Menntaskólinn í Kópavogi	Á reitnum eru núverandi skólabyggingar Menntaskólans en breytingar á núverandi húsnæði og nýbyggingar, sem falla að nýtingu svæðisins fyrir samfélagsþjónustu, eru heimilar. Stærð: 1,9 ha.
S-53	Vallakór	Gert er ráð fyrir nýjum framhaldsskóla í tengslum við Kórinn. Stærð: 1,1 ha.



Mynd 6-10 Kópavogsdalur.

Ljósm. F.B.

6.3.6 Aðrir skólar, kirkjur og trúfélög

Markmið

- Öllum grunnskólanemendum sem þess óska sé gefinn kostur á að stunda list- og verknám í Kópavogi.

Leiðir

- Skólahljómsveit Kópavogs og Tónlistarskóli Kópavogs hafi góða aðstöðu úti í hverfum til kennslu.
- Stuðlað verði að áframhaldandi tilvist Myndlistarskólans í Kópavogsbæ. Eflað verði umfjöllun og aðgengi að myndlist almennt og gerðar kröfur um listræna og innihaldsríka kennslu, sem fylgir nútíma gildum.
- Nemendum verði gert kleift að stunda verknám á grunnskólastigi t.d. með samstarfi við Tækniskóla Íslands og/eða með smíðjum í grunnskólum.

Í Kópavogi er öflugt tónlistarstarf en í bænum eru starfrækt skólahljómsveit og tveir tónlistarskólar. Í bænum er einnig öflugt kórastarf. Kársneskórinn er t.a.m. landsþekktur. Sérhannaður æfingarsalur er fyrir kórinn í Kársnesskóla (Þinghólsskóla).

Tónlistarskóli Kópavogs er einn af stærri tónlistarskólum landsins og býður upp á heildstætt nám í öllum helstu greinum hljóðfæraleiks, söng, tónfræðum og tölvutónlist. Í skólanum eru um 530 nemendur, þar af um 80 í forskóla. Tónlistarskóli Kópavogs er staðsettur að Hamraborg 6.

Tónsalir er tónlistarskóli staðsettur í Ögurhvarfi. Tónsalir er einkarekinn, rytmískur tónlistarskóli sem stofnaður var árið 2005 en rytmísk tónlist er safnheiti yfir djass, rokk, blús og aðrar tónlistartegundir sem teljast ekki til klassískrar tónlistar.

Tafla 6-5. Yfirlit yfir aðra skóla, kirkjur og félög/samfélagsþjónustu.

Nr.	Heiti svæðis	Lýsing
S-60	Kópavogs-kirkja	Á svæðinu er Kópavogskirkja. Stærð: 0,5 ha.
S-61	Tónlistarskóli Kópavogs	Skólinn tók til starfa 1963. Hann er staðsettur í Hamraborg, en um 550 nemendur stunda nám við skólann í hljóðfæraleik, söng, tónfræðum og tölvutónlist, auk forskóla. Auk hljóðfærakennslu í húsnæði skólans í Hamraborg er kennt í Kársnesskóla, Salaskóla og Snælandsskóla. Stærð: 0,2 ha.
S-62	Digraneskirkja	Á svæðinu er Digraneskirkja. Stærð: 1,4 ha.
S-63	Hjallakirkja	Á svæðinu er Hjallakirkja. Stærð: 0,6 ha.
S-65	Lindakirkja	Á svæðinu er Lindakirkja. Stærð: 0,7 ha.
S-66	Kefas	Fríkirkjan Kefas. Stærð: 0,3 ha.
S-67	Vatnsenda-hvarf/-hæð	Svæði fyrir samfélagsþjónustu s.s. skóla, kirkju og/eða aðra starfsemi. Tveir reitir (svæði) koma til greina og eru báðir merktir á uppdrætti (sama númeri). Á öðrum svæðinu er jafnframt gert ráð fyrir leikskóla, S-27. Ákvörðun verður tekin við gerð deiliskipulags. Stærð: 1,8 ha.

Myndlistarskóli Kópavogs er við Smíðjuveg og var stofnaður haustið 1988. Hann er einkarekinn með stuðningi frá Kópavogsbæ. Nemendum fjölga hratt og voru þeir á árinu 2009 um 800 talsins að sumarnámskeiðum meðtöldum.

Í bænum eru þrjár kirkjur og önnur trúfélög sem og tónlistarskóli. Skólahljómsveit Kópavogs var stofnuð 1966. Nýbúið er að taka mikið æfingarhúsnæði fyrir Skóla-

hljómsveit Kópavogs við Álfhólsskóla til notkunar. Að jafnaði eru um 150 hljóðfæraleikarar í hljómsveitinni sem er skipt í þrjár sveitir eftir aldri og getu. Hljómsveitirnar gegna veigamiklu hlutverki í bæjarsamfélaginu og koma þær oft fram á hátíðum og athöfnum í bænum.

6.3.7 Menningarmál

Markmið

- Í Kópavogi verði ætíð fjölbreytt og metnaðarfullt menningarstarf.

Leiðir

- Miðstöð menningar verði í Hamraborg.
- Aukin áhersla verði lögð á að menningarstarfsemi verði samvinnuð skóla- og félagsstarfi.
- Í nýjum hverfum verði tekið frá svæði sem hentar fyrir menningarstarfsemi.

Mikil gróska hefur verið í menningarlífinu í Kópavogi síðustu árin sem má ekki síst rekja til öflugar starfsemi menningarstofnunar á Borgarholtinu.

Leikfélag Kópavogs, sem var stofnað 1957, hefur Funalind 2 til afnota. Einnig fer fram metnaðarfullt starf í kórum og Skólahljómsveit Kópavogs. Héraðsskjalasafn Kópavogs flutti árið 2012 í húsnæði að Digranesvegi 7. Í því húsnæði er aðgengi íbúa að safninu auðveldað með sýningar- sal og lessal.

Tafla 6-6. Yfirlit yfir menningarstofnanir.

Nr	Heiti	Lýsing
S-68	Menningartorfan	Stofnanirnar eru: Salurinn, Listasafn Kópavogs – Gerðarsafn, Bókasafn Kópavogs, Náttúrufræðistofa, Tónlistarskóli Kópavogs, Molinn – ungmennahús og Tónlistarsafn Íslands. Einnig hefur Kársnessókn reist glæsilegt safnaðarheimili við Kópavogskirkju á Borgarholtinu. Stærð: 0,2 ha. Sjá umfjöllun um miðsvæði kafla 3.2.2.

6.3.8 Félagsþjónusta

Markmið

- Kópavogsbúar hafi jafnt aðgengi að félagslegri þjónustu óháð félagslegri stöðu í samræmi við heimsmarkmið 10.2 um aukinn jöfnuð við þátttöku í félagslífi, efnahagsmálum og stjórnmálum.
- Allir geti orðið sér úti um fullnægjandi og öruggt húsnæði á viðráðanlegu verði og grunnþjónusta standi öllum til boða í samræmi við heimsmarkmið 11.1 um aðgengi að öruggu húsnæði og grunnþjónustu.
- Unnið verði áfram að framtíðaráherslum í velferðarmálum þar með talið húsnæðismálum.

Leiðir

- Stefnt skal að því að gera fólki kleift að dvelja eins lengi og hægt er á eigin heimili við sem eðlilegastar aðstæður, ásamt því að styðja viðkomandi til sjálfsbjargar og minnka þar með umfang velferðarþjónustu.
- Þegar keyptar eru leiguíbúðir skulu þær vera sem víðast í bænum.
- Stefnt er að því að sameina rekstur félagslegrar heimaþjónustu Félagsþjónustunnar og heimahjúkrunar Heilsugæslunnar.



Mynd 6-11. Salurinn í Kópavogi.

Ljósmynd. B.Ó.Ö.

Félagsmál

Velferðarsvið vinnur að mótun markmiða í þeim málefnum sem því eru falin samkvæmt lögum, þ.e. húsnæðismálum, þjónustu við fatlaða, aldraða og unglinga, félagslega heimaþjónustu, fjárhagsaðstoð, barnavernd og almenna ráðgjöf.

Íbúðir og sérrúrræði

Kópavogsbær hefur yfir að ráða allmörgum íbúðum í bæjarfélaginu sem leigðar eru til fjölskyldna og einstaklinga. Búseturéttur í félagslegri leiguíbúð er að öllu jöfnu bundinn ákveðnum skilyrðum varðandi félagslegar og fjárhagslegar aðstæður leigutaka. Litið er á leigu á félagslegu leiguhúsnæði sem tímabundna úrlausn og geta breytingar til að mynda á hjúskaparstöðu, fjölskyldustærð eða fjárhagsstöðu leitt til endurskoðunar á leigurétti. Upplýsinga um þessa þætti er aflað á hverju ári.

Mikil umfram eftirspurn er á félagslegum íbúðum í Kópavogi líkt og hjá öðrum sveitarfélögum á höfuðborgarsvæðinu.

Félagslegar leiguíbúðir voru 406 árið 2018. Þar af 319 almennar íbúðir og 87 íbúðir fyrir 60 ára og eldri. Íbúðirnar eru misstórar. Til viðbótar á bærinn 37 íbúðir sem eru ætlaðar fótluðu fólki, tvö herbergjasambýli fyrir 10 eintaklinga með fötlu og eitt áfangaheimili fyrir 8 karla og eina íbúð sem sérrúrræði í barnavernd vegna heimilisofbeldis.

Tafla 6-7. Heildarfjöldi 65 ára og eldri á öllu landinu og spá til ársins 2050, yfirlit frá 2012.

	2010	2020	2030	2040	2050
Heildarfjöldi aldraðra	38.121	52.912	72.662	86.078	94.573
Hlutfall 65 ára og eldri	12%	16%	20%	22%	23%



Þjónustumiðstöð í Boðarþingi.

Ljósmynd: F.B.

6.3.9 Málefni aldraðra

Kópavogsbær hefur með höndum umfangsmikla þjónustu fyrir aldraða. Felst hún í félagslegri heimaþjónustu, matarþjónustu, vistunar- og búsetumálum, rekstri til hjúkrunarheimila, dagþjálfun, ásamt upplýsinga- og ráðgjafþjónustu til aldraðra.

Mannfjöldaþróun gerir ráð fyrir að fólki yfir sextugt fjölgi hlutfallslega mest á næstu árum og er því mikil þörf á því að Kópavogur búi vel í haginn fyrir íbúa í þessum aldurhópi. Það er meðal annars gert með

þjónustuíbúðum við Sunnuhlíð og Boðarþingi. Einnig er gert ráð fyrir nýju hjúkrunarheimili sunnan við Kópavogsbraut. Enn fremur er lögð áhersla á að aldraðir geti búið á heimilum sínum sem lengst.

Árið 2019 voru alls 205 hjúkrunar-, dvalar og dagdvalarrými

Sjá einnig markmið og leiðir í kafla 6.3.8 Félagsþjónusta og 6.3.11 Heilbrigðismál, lýðheilsa.

Hjúkrunarheimili

Tafla 6-8. Yfirlit yfir hjúkrunarheimili.

Nr	Heiti	Lýsing
S-70	Sunnuhlíð	Hjúkrunarheimilið Sunnuhlíð er sjálfseignarstofnun sem er með 73 hjúkrunarrými. Sunnuhlíð hefur verið rekið frá árinu 1982. Í Sunnuhlíð er einnig rekin dagvist fyrir aldraða. Stærð 1,7 ha.
S-71	Gullsmári	Félagsheimili eldri borgara. Stærð: 0,1 ha.
S-72	Roðasalir	Hjúkrunarheimili fyrir minnissjúka aldraða. Þar er rými fyrir 10 einstaklinga og eitt hvíldarrými. Dagþjálfun fyrir minnissjúka aldraða, leyfi er fyrir 20 einstaklinga á dag. Stærð 0,2 ha
S-73	Boðarþingi	Þjónustumiðstöð aldraðra við Boðarþingi 9 er samtals 2704 m ² . Í Boðarþingi rekur Kópavogsbær þjónustumiðstöð/félagsmiðstöð fyrir aldraða Kópavogsbúa. Tengt þjónustumiðstöð Kópavogsbæjar er hjúkrunarheimili Hrafnistu ásamt dagvist. Til stendur að bæta við 44 hjúkrunarrýmum á næstu árum svo alls verða 88 rými í fullbúnu hjúkrunarheimili. Stærð 2,3 ha.
S-74	Kópavogstún / Kópavogsbraut	Gert er ráð fyrir nýju hjúkrunarheimili sunnan við Kópavogsbraut. Gert er ráð fyrir að byggingar sem nú eru á reitnum verði rifnar. Stærð 1,5 ha.

Félagsmiðstöð aldraðra

Kópavogsbær rekur þrjár félagsmiðstöðvar, í Gjábakka, Gullsmára og í Boðarþingi. Sú síðastnefnda var opnuð í mars 2010. Þær eru fyrir fólk

á öllum aldri enda þótt starfsemin þar sé sérstaklega ætluð eftirlauna-fólki búsettu í Kópavogi.

6.3.10 Málefni fatlaðs fólks

Þann 1. janúar 2011 tóku sveitarfélögin yfir þjónustu við fatlað fólk frá ríki samkvæmt samkomulagi þar um og sinna henni ásamt almennri þjónustu. Sjá einnig markmið og leiðir í kafla 6.3.8, Félagsþjónusta, og 6.3.11, Heilbrigðismál, lýðheilsa.

Leiguíbúðir og heimili fyrir fatlað fólk

Félagslegar leiguíbúðir voru 406 árið 2018. Þar af 319 almennar íbúðir og 87 íbúðir fyrir 60 ára og eldri. Íbúðirnar eru misstórar. Til viðbótar á bærinn 37 íbúðir sem eru ætlaðar fötluðu fólki, tvö herbergjasambýli fyrir 10 eintaklinga með fötlun og eitt áfangageimili fyrir 8 karla og eina íbúð sem sérrúrræði í barnavernd vegna heimilisofbeldis.

Í árslok (2018) voru 49 íbúar í Kópavogi í sérhæfðri búsetu. Kópavogsbær rekur fimm íbúðarkjarna og þrjú herbergjasambýli, þar af eitt sem rekið er af Styrktarfélaginu Ási samkvæmt þjónustusamningi.

Húsnæðisstefna í málefnum fatlaðra gerir ráð fyrir 62 nýjum búsetuúræðum í mismunandi útfærslum; dreifðum félagslegum íbúðum, félagslegum leiguíbúðum í klasa og íbúðakjörnum með sólarhringsþjónustu.

Heimild: Ársskýrsla Velferðarsviðs Kópavogsbæjar, 2018, bls 17-18, 32-33.

6.3.11 Heilbrigðismál, lýðheilsa

Markmið

- Tryggja skal sem bestan aðgang að heilbrigðisþjónustu í samræmi við heimismarkmið 3.4 um aðgerðir sem stuðla að geðheilbrigði og vellíðan og 3.8 um aðgengi allra að heilbrigðisþjónustu.
- Bæta skal lýðheilsu með heilsuefningu með áherslu á hreyfingu og hollt mataræði í samræmi við heimismarkmið 3.4 um aðgerðir sem stuðla að geðheilbrigði og vellíðan.
- Skapa skal umhverfi sem hvetur til aukinnar hreyfingar og útivistar í samræmi við lýðheilsustefnu Kópavogsbæjar og heimismarkmið 3.4 um aðgerðir sem stuðla að geðheilbrigði og vellíðan.
- Öruggt aðgengi að opnum svæðum og þjónustu fyrir alla verði tryggt í samræmi við heimismarkmið 11.7 um örugg og aðgengileg græn svæði.

Leiðir

- Uppbygging heilsugæslustöðva verði í samræmi við aukinn íbúafjölda og að íbúar hafi greiðan aðgang að þeim í samræmi við heimismarkmið 3.8 um aðgengi allra að heilbrigðisþjónustu.
- Við nýbyggingar á vegum bæjarins sé tekið mið af vaxandi þörf fyrir aðstöðu vegna heilsugæsluþjónustu í stofnunum, einkum í skólum.
- Stuðlað að auknu samstarfi við heilsugæslustöðvar og aðra hagsmunaaðila innan bæjarfélagsins.
- Vinna ber að heilsuefningu sérstaklega í grunnskólum Kópavogs í samræmi við heimismarkmið 3.4. um aðgerðir sem stuðla að geðheilbrigði og vellíðan.

Þjónustu- og ráðgjafardeild fatlaðra

Hlutverk þjónustu- og ráðgjafardeildar fatlaðs fólks í Kópavogi er að veita fötluðu fólki þjónustu í samræmi við lög og reglugerðir. Samstarf er milli deildarinnar og ýmissa stofnana, ráðuneytis, hagsmunasamtaka og annarra sveitarfélaga varðandi einstök verkefni og mótun málaflokksins.

Dvöl

Dvöl er athvarf fyrir fólk með geðraskanir og er tll húsa í Reynihvamm 43. Athvarfð tók formlega tll starfa á alþjóða geðheilbrigðisdeginum 10. október 1998 og var samstarfsverkefni Rauða krossins í Kópavogi, Kópavogsbæjar og Svæðisskrifstofu málefna fatlaðs fólks á Reykjanesi en Kópavogsbær tók alfarið við rekstrinum í janúar 2013.

Í Dvöl koma gestir á eigin forsendum og oft með stuðningi til að njóta samveru við aðra. Í starfinu er áhersla lögð á að efla sjálfstæði og virkni gesta. Samstarf er við Kópavogsdeild Rauða krossins sem kemur að starfsemiinni með því að útvega sjálfbodaliða í athvarfð. Fjöldi gesta var að meðaltali níu á dag. Gestir geta keypt heitan mat í hádeginu og nýttu að meðaltali sjö gestir sér það daglega.

- Heilsuefning verði sýnileg innan stofnana og fyrirtækja bæjarins óháð aldri eða getu þeirra sem þar starfa eða búa með margvíslegum leiðum. Hvatningarverðlaun Kópavogs verði veitt til fyrirtækja sem þykja standa sig best þegar kemur að heilsuefningu.
- Stuðla að betra aðgengi að hollri fæðu í húsnæði og á viðburðum bæjarins.
- Auka þekkingu á þeim þáttum sem hafa áhrif á geðheilsu. Lögð verður áhersla á fræðslu sem getur stuðlað að bættri vellíðan fyrir alla aldurshópa, einnig innan fyrirtækja og stofnana bæjarins í samræmi við heimismarkmið 3.4 um aðgerðir sem stuðla að geðheilbrigði og vellíðan.
- Við gerð skipulags verði horft til útfærslu göngu- og hjólastíga, aðgengi að svæðum til útivistar og leikja út frá lýðheilsusjónarmiðum í samræmi við heimismarkmið 3.4 um aðgerðir sem stuðla að geðheilbrigði og vellíðan og heimismarkmið 11.7 um örugg og aðgengileg græn svæði.
- Samþætta skal íþróttir við skólastarf. Hvetja ber til almennt bættrar heilsu með heilbrigðri hreyfingu.

Þrjár heilsugæslustöðvar eru í Kópavogi og rekur Heilsugæsla höfuðborgarsvæðisins tvær þeirra, Hamraborg og Hvamm. Heilsugæslan Salahverfi er einkarekin. Heilsugæslustöðvarnar hafa umsjón með skólaheilsugæslu í hverfissskólum innan þjónustusvæðis. Auk þessa er rekin Læknavaktin ehf. að Háaleitisbraut í Reykjavík sem er opin utan opnunartíma heilsugæslustöðvanna.

Miðað við ætlaða íbúapróun til ársins 2030 má áætla að þörf verði fyrir fjórðu heilsugæslustöðina eða að þær sem fyrir eru geti annað fleirum.



Heilsugæslan Hamraborg.

Ljósmyndir Kópavogs.

Tafla 6-9. Yfirlit yfir heilsugæslustöðvar.

Nr	Heiti	Lýsing
S-75	Heilsugæslustöðin Hamraborg	Þjónustuvæði til viðmiðunar er vestan Digranesvegjar að Bröttubrekku, norðan Fífuhvamms- og Nýbýlavegjar. Stærð: 0,13 ha.
S-76	Heilsugæslustöðin Hvammur	Þjónustuvæði til viðmiðunar er austan Digranesvegjar og Bröttubrekku, sunnan Kópavogslækjar (Fífuhvamms) og sunnan Nýbýlavegjar (með Hólmum). Stærð: 0,37 ha.
S-77	Heilsugæslan Sala-hverfi	Þjónustuvæði til viðmiðunar er Linda-, Sala- og Vatnsendahverfi. Stærð: 0,12 ha.

6.4 Stjórnsýsla

Markmið

- Stjórnsýslan sé skilvirk og þess gætt að almenningur hafi góðan aðgang að upplýsingum um stefnumarkandi ákvarðanir og framkvæmdir í Kópavogi og tækifæri til virkrar þátttöku í samræmi við heimsmarkmið 16.6 um skilvirkar og ábyrgar stofnanir og 11.3 um þátttöku íbúa í skipulagsmálum.

Leiðir

- Samráð verði aukið við íbúa og aðra hagsmunaaðila í samræmi við heimsmarkmið 11.3 um þátttöku íbúa í skipulagsmálum.
- Kópavogur hvetji til og styðji við íbúalýðræði í öllum bæjarhlutum, m.a. við gerð hverfisáætlana og í „Okkar Kópavogi“ í samræmi við heimsmarkmið 11.3 um þátttöku íbúa í skipulagsmálum.

- Þjónusta við íbúa verði bætt með aukinni rafrænni stjórnsýslu.
- Stjórnsýslustofnanir bæjarins setji sér markmið í umhverfismálum og sýni þannig gott fordæmi.
- Unnið verði áfram eftir gæðakerfi Kópavogs í samræmi við heimsmarkmið 16.6 um skilvirkar og ábyrgar stofnanir.
- Stöðugt verði unnið að því að bæta aðgengi að upplýsingum og gögnum bæjarins.

Kópavogsbær leggur áherslu á góða samvinnu við hlutaðeigandi hagsmunaaðila við ákvarðanatöku í málefnum bæjarins. Samráð og samvinna í skipulagsmálum verði skilvirk og aðgengi aðila að viðeigandi upplýsingum verði auðveld í samræmi við heimsmarkmið 16.6 um skilvirkar og ábyrgar stofnanir, 16.7 um víðtæka þátttöku að ákvörðunum og 11.3 um þátttöku íbúa í skipulagsmálum.

6.5 Umhverfisáhrif stefnu um samfélag

Við rýni á stefnumiðum aðalskipulags, sem unnin var í kjölfar mikilvægisgreiningar Heimsmarkmiða Sameinuðu þjóðanna, kom í ljós að stefnumörkun Kópavogs til þessa hefur á margan hátt tekið mið af þeim leiðarljósum sjálfbærni sem sett eru fram í Heimsmarkmiðunum. Í mikilvægisgreiningu kom fram enn skarpri sýn sem fól í sér framsetningu nýrra stefnumiða og sjálfbærnimælikvarða sem lagt er til að verði vaktadír til þess að fylgjast með því að stefnunni sé framfylgt.

Samfélagsleg stefnumið falla nú enn betur en áður að þeim umhverfisþáttum sem stefnan er borin saman við. Stefnumið um samfélag taka til mjög fjölbreyttrar landnýtingar helstu innviða sveitarfélagsins svo sem skóla, málefna aldraðra og málefna fatlaðs fólks. Í mörgum þessara mála-flokka eru í gildi sértækar áherslur sem ekki eru teknar til umfjöllunar í aðalskipulagi sem er fyrst og fremst stefnumótun um nýtingu lands til framtíðar. Því eru stefnumið um aðgengi að skóla, aðgengi að íþróttum og útivist og stærð skólasvæða til þess fallin að hafa jákvæð áhrif á samfélag sem og andrúmsloft, að því marki að hægt sé að draga úr notkun einkabíls með því að hafa vegalengdir stuttar innan hverfis og eins að boðið sé áfram upp á framhaldsnám innan Kópavogs. Í aðalskipulagi eru sett fram ný markmið um lýðheilsu í samræmi við Heimsmarkmið Sameinuðu þjóðanna og landsskipulagsstefnu. Horft er til þess að gætt verði að því við skipulag byggðar að skapa einnig umhverfi sem hvetur til aukinnar hreyfingar og útivistar og aðgengi að opnum svæðum verði tryggt fyrir alla hópa.

MIKILVÆGUSTU HEIMSMARKMIÐIN FYRIR SAMFÉLAG Í KÓPAVOGI

3. STUÐLA AÐ HEILBRIGÐU LÍFERNI OG VELLÍÐAN FYRIR ALLA FRÁ VÖGGU TIL GRAFAR

- 3.4** Eigi síðar en árið 2030 hafi ótímabærum dauðsföllum af völdum annarra sjúkdóma en smitsjúkdóma verið fækkað um þriðjung með fyrirbyggjandi aðgerðum og meðferð og stuðlað að geðheilbrigði og vellíðan.
- 3.8** Komið verði á heilbrigðisþjónustu fyrir alla óháð fjárhagslegri stöðu, aðgengi veitt að góðri og nauðsynlegri heilbrigðisþjónustu og að öruggum, virkum og nauðsynlegum lyfjum og bóluefni á viðráðanlegu verði fyrir alla



4. TRYGGJA JAFNAN AÐGANG ALLRA AÐ GÓÐRI MENNTUN OG STUÐLA AÐ TÆKIFÆRUM ALLRA TIL NÁMS ALLA ÆVI

- 4.2** Eigi síðar en árið 2030 verði tryggt að allar stúlkur og drengir eigi þess kost að þroskast og dafna frá unga aldri, fá umönnun og leikskóla-menntun til að búa þau undir grunnskóla.



8. STUÐLA AÐ VIÐVARANDI SJÁLFBÆRUM HAGVEXTI OG ARÐBÆRUM OG MANNSÆMANDI ATVINNUTÆKIFÆRUM FYRIR ALLA

- 8.9** Eigi síðar en árið 2030 hafi verið mótuð og innleidd stefna í því skyni að stuðla að sjálfbærri ferðaþjónustu sem skapar störf og leggur áherslu á staðbundna menningu og framleiðsluvörur.



10. DRAGA ÚR ÓJÖFNUÐI INNAN OG Á MILLI LANDA

- 10.2** Eigi síðar en árið 2030 verði öllum gert kleift að taka þátt í félagslífi og hafa afskipti af efnahagsmálum og stjórnmálum, án tillits til aldurs, kyns, fötlunar, kynþáttar, þjóðernis, uppruna, trúarbragða, efnahags eða annarrar stöðu.



11. GERA BORGIR OG ÍBÚÐASVÆÐI ÖLLUM MÖNNUM AUÐNOTUÐ, ÖRUGG VIÐ-NÁMSPOLIN OG SJÁLFBÆR

- 11.1** Eigi síðar en árið 2030 geti allir orðið sér úti um fullnægjandi og öruggt húsnæði á viðráðanlegu verði, fátækrahverfi verði endurbætt og grunnþjónusta standi öllum til boða.
- 11.6** Eigi síðar en árið 2030 verði dregið úr skaðlegum umhverfisáhrifum í borgum, meðal annars með því að bæta loftgæði og meðhöndlun úrgangs.





Kópavogsbær